

四庫全書

子部

欽定四庫全書

子部
星學大成卷五

詳校官監察御史_臣邱庭澍

靈臺郎_臣倪廷梅覆勘

總校官進士_臣朱鈐

校對官中書_臣潘庭筠

謄錄監生_臣劉壇

欽定四庫全書

星學大成卷五

宮度主用

二十八宿所屬宮度詩

角

角木之度本居辰

春則木兮秋則金

不怕金星為惡曜

限中只怕火羅侵

亢

從來亢宿屬金垣

四季元來受氣全

明 萬民英 撰

最怕火羅為忌賊 同臨煞地天天年

若遇水土
能為福

氏 四季氏宮作土看 餘時只把火相參

不怕木炁為凶曜 水亭同躔主命難

夏令只把火相兼
辰戌丑未月作土

房 房日元是火宮神 最嫌水亭損其身

命限忽然逢木炁 資財積聚福昌榮

心 心度元來屬卯宮 晝生亦與火相同

夜間是月君須記 子細推詳斷吉凶

心度本是火之餘
上弦下弦倚月推

尾 尾四度兮皆屬火 入到寅宮作木推

木怕金宿火怕水 彼此分明更問誰

水土相逢能為福
煞金若遇禍相依

箕 箕初是木餘是水 土計同行為煞鬼

春間便把木叅詳 不可一例言生死

斗 斗四寅兮是真木 丑宮木土兩相關

餘時四季皆言土 惟有春生作木看

斗四至十春木推
餘時及牛全作土

牛 牛星原不是真星 躔在丑宮變土星

却喜火羅來尅我 限逢木炁定傷身

女 從來女度皆言土 升殿歸垣喜北方

若遇火羅多發福 如臨木炁定招殃

虛 虛躔是土報君知 水炁相逢定失尸

若遇火羅能發福 祝君細認莫遲疑

危

危初五度土一般 十二度後太陰看

若生四季皆言土 晝夜參詳莫道難

四季之晝以土
論夜生月論

室

室十八度皆屬水 土星亦合能為福

火羅若遇破資財 限值炁金是真煞

壁

此曜必是壁水偷 土計同行限崎嶇

火羅作黨六親尅 夫損妻兮妻損夫

奎

奎二亥宮真木星 戌宮木火兩相尋

縱遇春生為木論 限行水字亦災侵

婁 婁宮戌上正宮神 不是金星是火星

不怕火羅來尅我 但嫌水字損其身

胃 胃四度分皆屬土 酉宮金土亦分明

若生四季皆言土 秋旺餘時只看金

昴 昴為金宿莫胡傳 土計相逢五福全

只怕火羅為惡煞 不居貧難大天年

畢 畢六度分酉畫金 夜月不類同申宮

水亭原來一般看 上計相逢一例凶

背

背半度兮位在申 宮中是水火無晶

祝君只把水為主 忌曜惟嫌土計侵

參

參躔是水在陰陽 金星若會福祿昌

金水主躔為上吉 限逢土計定遭殃

井

井九度兮皆屬木 未宮木月最難明

春看木兮夜看月 晝生木月一齊言

合干音論之木星乘春月之令晝生合從木
用不可言太陰也其他時節以太陰為主春

夜亦作
太陰

鬼

鬼宿元來屬太陰 不分晝夜月當明

最好金水來助月 惟嫌土計恐傷身

秋冬時節與金之
干者安可棄乎金

柳

柳度分躔午未宮 兩宮土論總相同

惟有午宮嫌木炁 未宮木炁半言凶

星

星日馬宮居正殿 不分晝夜屬陽精

火羅作黨六親尅 木炁相逢是難星

張

張月鹿兮居午垣

晝陽夜月兩般專

若居隔界在雙女

一例都言是月躔

翼

雙女垣中翼火蛇

水為主宰是君家

不嫌水字怕土計

金曜相逢實可誇

軫

軫宿分躔已與辰

二星皆是水之精

只怕土計為凶曜

若遇金星福更隆

右二十八宿度主定人命當論宮當論度又以月

令推論

十二宮取用歌

子

子宮安命誠為土 其取用者卯上火

火為命母又為官 又以羅喉為次母

母星强健福堅牢 若在陷宮何所補

最嫌木炁在高強 化作刑囚傷本主

丑

丑宮亦是土之宮 取用瓶中又不同

火羅固是為吾母 先以金星定吉凶

金強金弱觀輕重 生在秋冬更有功

誰知寅亥關造化 木炁臨之主困窮

寅
寅宮真是臨官木 純以水星為官祿

水星強健福堅牢 太乙亦能為我福

亥宮設有惡星臨 限到辰宮當天促

此蓋丑卯最相關 若論天盤當反覆

卯
卯宮乃是火根源 命母當為木炁論

獨有此宮無福德 官星却是太陽尊

多以木炁為功用 水孝相逢不可言

此星若在申巳上 一生破尅沒安存

辰 惟有辰宮觀日月 便將官福分明說

土計雖然是母星 最怕單行逢水字

熒羅作黨旺離方 到此貧窮諸事拙

亥卯二宮逢土計 資財豐足無消折

巳 巳宮安命何處觀 水為宮主水為官

便看太陰何處泊 最於福德有相關

卯戌兩宮逢土計 多災多難轉艱難

若有單金在雙女 逢生入局一般看

午 午宮偏愛逢金水 金水正是為官福

水白金清兩得經 申酉逢之多富足

宮神四正互相加 最怕當年逢木炁

此宮獨坐帝君尊 火羅計炁何所畏

未 未宮端的屬太陰 此宮最喜火與金

木羅炁炁亦堪處 土計凶神不可侵

單火獨羅皆有用 夜生最喜戌宮臨

生於白晝無光彩 縱禍於人亦稍輕

申

申宮陰陽分水局 此宮最喜火與木

土計分明是我仇 戊亥兩宮為官福

丑卯兩宮相脉絡 更無疾厄無奴僕

金為母宿若高强 一世優游無不足

酉

酉宮取號是金牛 四正相加最隱幽

土計母星好明健 一生享福最優游

水清又是田財主 設在高强富可求

縱有火羅為我擾 齊子之地亦無憂

戌 戌宮安命火之庫 木炁母星喜相遇

水 水主此宮相臨著 少年夭折多災苦

卯 卯巳兩宮相關係 最喜當年官福地

土 土木炁逢福又輕 單行獨旺誠堪取

亥 亥宮為木號雙魚 却於辰上默喜扶

若還金炁相同角 不能夭折定焦枯

卯 卯未兩宮真三合 又與寅上著功夫

此宮若有水字照 富可經營貴可圖

十二宮主用變吟歌

子 水土元來旺到子 水土如何可兼取

危月乃知水之精 虛日乃是土為主

雖然如此分輕重 當看歲君何黨與

若是火土為納音 此宮端的純乎土

丑 丑宮本以土為垣 亦以金神論本源

丑宮雖則屬土局 金星是庫又是官

土金兩般俱要論 此宮最怕太陽臨

寅

寅宮屬木局屬火 火土如多屬木行

木炁設如居午戌 此宮變局反為熒

卯

卯宮端的火之垣 水炁臨垣又為木

木炁臨之是火垣 三合水炁為木局

辰

若論辰宮是水金 更將水土相聯續

一輕一重多難明 更看歲君何所屬

巳

巳宮本以水為垣 亦以金神論本源

酉丑二宮逢計土 定為金局更何言

如無土計真為水 餘宿閒神不必論

更值歲星為土宿 一生飄泊不安存

午
午宮論日未論月 却與他宮大相別

此宮純看輔弼星 相生化氣不可說

未
午宮當以金水言 未宮火金不可缺

歲星縱健不能傷 却當於此分優劣

申
申宮蓋得水之真 若論臨官又是金

土計縱強終減力 歲星是木禍尤輕

木為官主火為福 誰將木火作閒神

設如太歲真為水 却忌當年土計侵

酉 酉宮金旺為金位 最怕熒星為太歲

若遇羅喉照限宮 羅中有計何足畏

戌 戌宮見水定生災 子丑逢熒定為貴

歲星屬土更為奇 最喜此星逢四季

戌垣端的逢熒惑 此火尤存戌庫位

亥

亥乃木垣真屬木

木星又在亥中安

若還大限經遊處 便作當生木主看

惟此四宮無反覆 閒神限宿不須看

十二宮各度喜忌說

子宮虛日不論晝夜生以土論所喜者火羅若單行為福重雙行為福輕所忌者孛炁危月初度至十二度日生以土論所忌者水孛所喜者金月火夜生發福女土初二度至十一度以土論所喜者火羅為恩所

忌者木炁為仇

丑宮斗木四度至九度木正垣忌火羅金十度至二十度以土論喜火忌羅木炁為仇三方合煞主夭折牛三度至七度忌木炁

寅宮尾火三度至十七度以木論忌火羅金如行限見之亦主小災若見水字土計主發福箕水二度至九度以水論忌土喜金水月字

卯宮氐土二度至十度以土論忌木炁字喜火羅發福

十度至十六度火垣忌水字主天折亦忌羅喜木炁
發福房日火正垣喜木炁忌水字金羅主天折星月
初度至六度以火論喜金木忌土計夜生以太陰論
忌土計喜金水火月發福尾火初度至二度以火論
喜木炁發福忌水字天折

辰宮軫水十度至十六度以金論忌火羅喜土計發福
角木三度至十二度以木論忌火羅凶亢金垣喜土
計忌火羅天折氐土初度至一度以土論喜火羅忌

木炁

巳宮張月十五度至十九度以太陰論忌土計喜金水
月發福翼火水正垣忌土計喜金水月忌火孛羅軫
水二度至九度以水論喜金月忌土計孛羅

午宮柳土四度至十三度以土論忌木炁喜火羅金星
日日正垣喜金水忌木炁凶張月初度至十四度日
生以太陽論喜金月忌木炁夜生喜火金月忌土
計夜生逢木炁金月大發福

未宮井木九度至十五度以木論忌金羅土計十六度
至三十度以太陰論喜金水月忌土計主天折鬼金
月正垣喜金水月忌土計主天折柳土初度至三度
以土論喜火羅金忌木炁

申宮畢月以太陰論忌土計金月主發福紫火以水論
忌土計喜金月水發福參水喜金忌土計主天折
井木二度至八度以木論忌土計天折

酉宮胃土初度至十三度以土論忌木炁喜火羅金會

命母主發福十二度至十五度以金論木炁土計發
福火羅孛主夭折畢月初度至六度半太陰論半以
金論忌火土計凶喜月水旺發福

戌宮奎木二度至八度以木論喜土計水忌金羅凶夭
折九度至十六度以火論喜木發福忌水孛凶婁金
火垣喜三方木炁發福忌水孛主夭折

亥宮危月十三度至十八度太陰論喜火月金水主早
年發福忌土計為煞室火木正垣所喜者水孛所忌

者火羅金主天折土計為仇璧初度至九度木論喜
水字忌土計火羅金凶奎木初度至一度以木論喜
水字為福忌金羅凶

陳都憲十二宮安命論

理精

子宮安命論

女二度直至虛日六度帝旺之貴土也危一至危五
度乃海涯之土危六至十二夜生人以太陰論為海
濱初出之月晝生人以土論不以危月論

詳宮主屬土最喜太陰在南方巳午未謂之安身傍
母與火羅同行則吉遇木炁水字為鬼黨其煞皆主
不祥女土虛土忌木炁水字出門行斗木度三方有
三合拱照斗四便天蓋斗度乃煞限見水字為鬼助
煞權如寅午戌上三方有火羅相引至尾火虎度亦
還一發危土六度內外見木炁水字不天大難臨身
復見計前迎必喪乃是奴星犯主煞難相逢見金水
字火徐徐而發見金生子禦鬼為福最大見火為恩

限中如遇木炁要見火羅煞生印化無不發福危四
至危十二太陰之議此以危月燕而言見金水火羅
皆吉危八至危十三亦太陰忌見木炁土計行卯限
見土計前迎木炁引出者無不夭矣

丑宮安命論

斗四度至斗九度至十三度以木論東方寅卯辰遇
見水孛印生身限三方拱照主少年發福行限至辰
入亢金度又見三方土計金合照便斷一險限中稍

見水亭天盤加出主有一病免死而已如春令木逢
生旺再加三度木論又見水亭生我者無往不利子
細推究出見炁土金則天矣見炁乃曰奴星犯主見
土星為鬼生煞權斗十四度至二十四度以土論之
甲乙生人又以木論此以宮主言之限行火羅卯辰
限係官福之宮三方合照亦主善發木炁稍輕煞乃
居丑金鄉木不得地有制尅我無力無妨出限見計
奴前迎禍必慘矣五星中最忌奴星犯主若木計同

行亦不可解狂奴之星犯主也牛一至牛七全以土
論最喜羅月相逢居於子午之宮子細推之大造初
行寅限見火羅二十以上在寅宮行尾火虎度發而
大富羅月在子三十六入辰限官祿之鄉亦能發福
限至南方巳午之地愈見福厚土至南方乃為父母
之邦只怕孛鬼生煞計煞不受傷只於過宮之時
子細推究女一度亦以土論

寅宮安命論

尾三至尾六七度以尾火虎論便看安身立命太陰
吊起木炁謂之安身傍母便享祖業如行辰已限單
見木炁當途恩用之星或三方外拱便發再見水炁
以助木炁然又生印發福非小加增田產大怕安身
近水炁謂之安身傍鬼必無祖業見金水炁號曰鬼
生其煞相引過關斷天無疑尾八度至末度以木而
論丙丁生人亦以火論此斷宮主而安身與水炁相
逢謂之安身傍母必享祖業根本壯厚臨官之木次

看木起何宮如是寅申巳亥四正之宮豈是尋常斷
作吉論二十五六後行辰限遇見水局或有水字於
申子辰三方拱照平平而發如巳宮遇字水單行巳
乃水鄉為水在水故吉若遇金星相扶助是曰煞生
印此時發奮進田莊出限稍見土金前迎是曰鬼生
煞若不主喪身災禍重重巳酉丑亥卯未生人先主
官符之破免死而已如夏令生人遇火氣炎或稍可
制伏箕水豹至五度看月令如夏令遇火氣春生遇

木氣冬生遇水氣在寅箕六度至九度全以水論乃
艮山柔弱之水也畧見些少金水之氣亦發福行亢
度金乃父母之鄉軫水局善發如此出限稍見火羅
計字三方見火羅為黨土計見字為奴故主凶前迎
後送死難之鬼斗一斗三度以木論

卯宮安命論

氏一至氏九及十六度以土貉而言辰戌丑未年生
人由其屬土真土論也最喜近火羅相逢無有不發

二十五六初行已限翼火度斷入佳境如見火羅至
已午單行見木炁以助其威發福非小按卯為火宮
房心火之地氐土居之是曰入垣入廟若火羅更在
已午真如錦上添花二十五六便發歌曰吉星望見
先為福是也更加木炁相助其吉可知最忌水孛相
引木乃歲德之星為福不為禍惟水孛引之故為災
也名曰鬼生之煞推至送限之年斷其禍福歌曰凶
星過去始為災是也氐十以後至夏令以火論餘以

土論房一度至心一度全以火論此宮主論安身太陰居於亥卯未宮木炁逢之便是吉人造化再詳水為恩主居巽亥垣行巳午限官福之宮亦發一場便為吉論心二度至五度寵姬之月晝生火論夜生月論斷卯宮則以火月土三件而論尾一至尾二度火論

辰宮安命論

軫度以水而論秋氣三分之金同納音秋金九分之

金此以金論此星屬水最喜金月躔角及三方拱照
行限見金水木炁前迎一生發福興隆如遇火羅險
中復險事事不吉若有水孛尅制方免其死角一至
角八秋冬生乃是枯敗之木其論金明矣角後度生
春令并甲乙生人以木論餘俱金論亢乃正垣之金
要太陰共土計尤妙亢金喜土計發福非淺最怕寅
午戌合限遇火羅木炁相引出入十死其九見水孛
能潤辰宮亢金亦主發福氏一度在辰土論

巳宮安命論

張十五度至十七度蓋如水中之月秋令人此度安身立命決主清貴是水中之月見金乃花酒中無心發財或太陰起近亭會於危畢度一生得陰人為侶助限內三方見炁合照多因婦人財祿成家翼一至十九度夏令生以火論秋冬生以水論軫一至軫九乃東方河漢之水行西方申酉限單見金或在辰上財帛宮或在子上奴僕宮三十五六後畧見申限發

福非小此宮土計難星最怕火羅相接斷必禍死喜
金居財帛主白手成家惟不喜金居田宅限元稍弱
必破祖矣

午宮安命論

柳四度至柳八度端門之貴土也今以土言之先看
土起何宮若居四木度早年十五歲內逼井木度限
看水孛之鬼三合亥卯未見之便當一忌如是四土
或四火之地太陰與火羅相逢少年無災限行申酉

稍見火金單行限相逢決然一發喜羅單行夜生人
見寅午戌宮相照亦必一發抑後度并星六日馬以
太陽論鶉火之中日論明矣最喜照官福之宮申酉
處權貴有名利凡事吉慶不怕火最忌木炁之鬼如
春令甲乙生人木旺之時限若相逢出入見火羅相
引必喪其壽若木炁黨之只主官災破蕩張月鹿有
十四度居午旺時前三後二月論明矣晝生人以太
陽論張四至十四度乃天之月也夜生太陰明矣最

喜見金水無往不佳徐徐而發

未宮安命論

井九至十五度及二十一度歸庫之木遇金亦能剝
削見火羅亦能災傷皆主不利限若交接前迎後送
必作少年之鬼福氣難享井二十二度以後春令即
木鬼二度夜生金以太陰而論正垣之月晝生喜金
出門行申酉戌限如遇金水火羅單行無有不發遇
孛亦妙如見土計禍患輕也出限三方見木炁之鬼

加以流年填難斷夭折也柳初至二度夜生太陰論
晝生土論土則資質本薄少年行限井木度子細推
究三方若遇見水字之鬼少年便夭喜酉戌係官福
之地遇金火羅便能大發三方外拱為恩雖重尤能
發福戌中奎木之宮詳天盤加減且如水字之鬼外
生木炁之煞斷死無疑矣

申宮安命論

畢七至十四度夜生月論晝生水論喜金水字發福

其理最明忌見火羅為禍限行寅午戌三方見土計則夭折而死紫參全以水論乃是長生水最喜見金水在辰酉便發二十六七歲行戌宮見金在寅午戌宮合照發福亦輕須至亥限官祿宮亥卯未三方照起方見發福子丑限若見土金離祖發財廣布田莊申宮水之至清行限見奴孖鬼羅相逢臨照險地主不善終遇火亦能喪命井一至井三度分金氣秋令全以金論遇土計金迎而發寅午戌相逢刑尅不免

如遇火羅若不傷財險中復險蕩散家貧免死而已
井五度至八度甲乙生人木論餘作水論遇金亦能
剝削見火羅亦忌同前叅詳論之

酉宮安命論

胃度以土論之自敗之土喜見火羅金則發木炁會
字而險阻胃九至十四度納音金又秋令庚辛生人
金論昴日真金而論不怕羅遇土計單行大能發福
行亥子丑限見土計吉忌見木炁不吉只怕行限合

見主凶災見火羅木炁為黨必死畢一至畢三水論
畢四至畢六夜生月論晝生金論乃是妃妾之金也
喜見月孛臨胃度無不吉利有禍不折見火羅非貧
賤則夭折也水孛平平木炁宜卓立成家行戌限若
遇火羅必死無疑遇土計不能害身子細推論

戌宮安命論

奎二至九度全以木論遇水孛發福見火羅單居子
丑亦發見木炁不凶交限見金土相照并三方拱必

禍死奎十至十五度十六度春令木論夏火論奎十七度全以火論乃是火正垣見木炁善發見金水孛行限至此相引相迎必死無疑此宮火不怕水只怕羅孛婁度晝以火論如納音金秋冬生以金論餘火論胃有三度居戌土論此宮土資質本薄見木炁水孛必禍死行限喜見火羅木金平平發福此宮火不怕水只怕羅孛險中復險破耗刑衝災難

亥宮安命論

危十三度至十五度末上弦明月而論以步天衢星
光彩行子丑限危月斗牛度見水字樂然而發夜生
見火羅亦然如遇木炁土計之鬼煞前迎後送便斷
禍凶出限則天室初至十七度皆以木論此木初生
不能當其火羅如夏令生人限若逢火命在須臾前
迎之限土計金照必主夭折璧一至十度以水論春
令木論乾金所生江湖之水不怕土計行子丑限見
金火相逢一發而福怕忌難尅戰不宜也

鄭幼學二十八宿元髓血脉經

角木蛟者乃是刀頭斧柄之木也自初至十喜春生見
金禍輕遇火羅禍甚夏忌火羅尤緊其木喜亥卯未
局及四木四水度初年已限必得父母遺廕翼四至
初不無悔破張度有徐徐之福見水亭必能白手富
貴行星度木惡南奔至柳度關隘之地不吉更六丙
生人陽月遇火羅無救夭折有水亭土計解之不夭
必破財刑害柳度平鬼度井中遇吉星則吉遇火羅

更丁生人陽刃如羊投虎口并十三關隘縱無火羅亦不全善參背畢有水孛助更六庚生人祿寅午戌人馬到此必發若得天馬官魁相助晚景功名老當益壯昴度金局更六庚生人陽刃寅申巳亥生人的煞到此刑害破蕩若遇秋金就此阻壽胃土財限平平戌上婁度枯木投火縱有水孛援之老有風燭之患若遇火羅更六辛生人陽刃於壽有碍無火羅亦不免腸胃下部之疾亥宮璧室晚節黃花清香在尾

子地木逢地劫曷可言也丑寅二限無火羅金可享耆頤之壽

亢金龍者乃堅剛之真金也亦刀劍成器之物生於春夏忌火羅見之禍甚初午巳限水局故水字能潤其色若壬癸生人貴人丙戌生人祿少年奮迅白手成功翼三至初晦昧無成春夏生人遇火羅碍決阻壽秋冬生人禍輕更申子辰子午卯酉生劫煞的煞之地到此應無素休張度平平遇土計水字白手而成

名香利潤星度有木炁或火羅碍道死亦無疑更丙
戌生人陽刃招非命而終或火計同為煞生母吉柳
土平平小福鬼度返吟拖戈若夏月丁巳生人陽刃
到此非死亡必破蕩刑傷并度財鄉遇水字必主福
氣見火羅春夏禍甚秋冬為禍稍輕參背畢皆順酉
宮昴胃度金局老當益壯戌上婁度不吉更六辛生
人陽刃若遇三煞天鋒主死於非命或火羅木炁居
之死無疑矣或火局遇土計許有黃花晚節之味亥

子限中宜守株度日丑限見火羅有風燭之患也

氏土貉者乃扶桑之地日出之所也帶火氣自初至一
與亢金同自二至十四五乃土為主喜生辰戌丑未
月及秋冬得時喜火羅忌木炁春生見之禍甚初行
角木更六乙生人陽刃害不一軫度乃汪洋之水土
寒之地晦困見木炁水字不吉遇火羅不能為福翼
四至初見火羅一發不久張度淡淡星度離明火局
決能發福見木炁倍加光彩柳土平平之福鬼度順

井木中淹晦見木炁凶遇火羅尤加春色利潤名香
申宮無木炁守株度日遇木炁阻壽酉限金局脫氣
更六庚生人陽刃寅申生人的煞招心腹之疾可延
婁度晚年康健奎八關隘決無素休亥限室壁木局
倘木炁臨衝照合壽止於此子限土局旺甚不吉

房日鬼乃扶桑太陽之真火也當作火論喜木炁忌水
字限行少年亢度中見水字必阻壽遇木炁小小福
力角度平淡軫翼度晦滯更子午卯酉申子辰生人

乃的煞之地到此有碍若水字居之乃是煞星居
煞卜此地死而無疑否則傷殘肢體官非刑害張
度無水字淹晦守株星度順得木炁決能顯用柳
鬼中如常井度得意如順水之便倘木炁助之更甲
戌庚生人天乙貴或官魁天馬元局主臨衝寫合當
為臺閣勲臣吉利名香人物申宮水局多凶少吉更
水字居之無木炁救如羊投虎口酉宮財局見金晚
年稱遂遇水字壽決難延戌宮火局得木炁相助老

當益壯亥限木局黃花晚節子限晦阻不吉

心月狐者亦扶桑初出之月也自初至三房火同論自
四至六不問晝夜皆以月論喜秋夜生忌土計喜金
火相助十五歲內氏度晦困亢度便能振作角軫度
中守株度日翼火中若壬癸生人貴人更金生助必
能發福張度雖返吟不為忌倘遇火或金必能顯達
星度日助月明更丁巳生人祿六辛生人貴到此利
潤名香前程亨奮柳土度無火羅助惡守株無咎遇

土計晦塞刑害鬼度稱意井度如常見火羅生意春
風申宮水局平平無咎更六庚生人祿寅午戌生人
馬晚景優游酉宮金旺之地更遇金乃福壽之鄉胃
土稍晦遇金吉見土計凶婁度火助月華遇土計阻
壽奎度淹晦平淡亥限木局脫氣子限土旺難鄉安
能至福鬼錄難逃

尾火虎度乃樹尾所燃之火自初至三當以火論喜木
炁忌水字自四至十八乃臨官之木喜春生得時秋

冬失令宜居亥卯未局生平享福一世優游倘居巳
午乃離明星度辰酉乃亢金大梁之位身體卑微勞
碌不吉初限卯木之鄉天乙生人祿壬癸生人貴無
金臨衝寫合早年得意辰上亢度晦破更秋生遇金
夭折無疑倘六乙生人陽刃更遇天鋒刑囚死於非
命角軫翼度小小福力如壬癸丙戊生人祿貴福氣
倍加張度徐徐之福星度木惡南奔灰飛烟滅更丙
戊生人陽刃倘遇飛來寫煞天鋒等凶重則非命喪

身輕則遭官刑害柳鬼度中守株度日井度晚景優
游申限木絕之鄉老有殘疾酉限金局更六庚生人
陽刃寅申巳亥生人的煞遇土為天鋒助煞為患安
能善終得水字可延其壽戌限火局脫氣不足言也
亥限木局旺甚不利

箕水豹度乃丑艮山下蒙泉之水忌土計字喜金宜生
春夏不利秋冬限行卯遇土計決天更六甲生人陽
刃其禍愈甚辰宮亢度順必能發用得金倍加福力

如秋生更六甲生人陽刃到此遇字主縊溺喪身角
度脫氣宜守株度日軫度返吟拖戈翼度頗順如壬
癸生人貴更吉張星度順柳度午宮丙戌生人陽刃
或天鋒飛刃決主不義亡身鬼度小福井度脫氣不
可強求只宜守舊遇土計字又何患乎申度限亦宜
退守酉宮水敗之鄉得金助晚年康壯胃婁中忌見
土計更六辛生人陽刃如羊投虎口亥子限土旺之
鄉不足言也矣

斗有二十二度乃橋沉底下之木也初至十八九度不問四季皆以木論不忌金火羅惟忌炁遇之有碍夜生男命遇之輕則尅戰重則夭折初年尾心度皆是順境早能振作房火中平淡生涯氏度財限六乙生人祿壬癸生人貴必能顯用辰宮亢角不順六乙生人陽刃到此不無破尅軫水泛濫無成翼淡淡生涯如丙戌生人祿壬癸生人貴若得金水助之或魁職元局主臨衝窩合決能白手成名無吉曜相助則有

進寸退尺之憂張度生意頗順星度晦無成柳度無
炁星免咎有炁就此阻壽鬼度淹晦井度返吟拖戈
十五度關隘之地丁巳生人陽刃更炁當途夭折無
疑申宮水局木絕之鄉不無險阻酉宮金局六庚生
人陽刃寅申巳亥生的煞遇此鬼錄難逃否則必遭
官刑

牛度乃未經煅煉之礦金也當以土為主見木無咎遇
炁禍重初限斗箕早年晦滯尾度頗稱無炁平平之

福心房火局生意勝常更火羅當途六乙生人祿
居福壬癸生人貴人到此必能超顯積穀拘財亢角
中亦無阻隔見炁禍輕軫翼水局遇炁不吉無炁碍
平善張星柳中得火羅發達水字炁同不無戰尅未
宮雖木局無炁平淡生涯若遇炁更丁巳生人陽刃
女多尅戰無救阻壽申限水局無咎見炁有碍酉限
戌宮老當康壯奎璧度有風燭之患

女度乃積聚糞壤之土也至輕微至薄賤喜生辰戌丑

未寅午戌月得時忌亥卯未月生此土泊土局土度
火局火度吉居木局木度凶如生遇木水字刑害破
耗初午限行斗箕尾木局晦昧無成更遇水字木碍
道倘巳酉丑生人劫煞輕則貧病重則夭折尾三尾
四度至心房氏度母鄉得意見木炁火羅大能振作
氏五度反吟關隘六甲生人陽刃到此不利得火羅
臨衝寫合無咎遇木炁死而無疑亢度清淡守株角
度晦破見木必夭軫水中泛濫漂流其禍如燃家財

冷退猶招肢體之疾見木決天翼四至初許有平平
之福張度平淡家風星度老更精神柳土無咎未官
木局多凶少吉如丁巳生人陽刃木炁居之必登鬼
錄申限頗順酉限皆不能保守於此問壽

虛度乃午上星日太陽照臨下土之日影廣厚高大之
土也喜生辰戌丑未月得令得時忌生春及亥卯未
月無氣喜火羅忌木見之禍甚計奴猶能犯主初年
入斗箕度淹晦破害遇木碍少年夭折尾度平淡得

火羅更六甲生人祿申子辰生人馬決能白手成名
財豐祿厚卯宮火垣得火羅木炁同更六乙生人祿居
祿壬癸生人貴居官前程亨奮名利兩全氏度遇木
計化刑囚暗耗更六甲生人陽刃猶慮夭於非命亢
角中平淡軫翼度寒地土愛暖而惡寒故也如遇木
炁更申子辰劫守疾厄或化刑囚非喪命必傷肢體
午宮火局老當康壯晚福優游未宮木局晦滯災非
丁巳生人陽刃阻壽無疑否則刑害申宮水局小吉

酉宮金鄉脫氣不足言也

危月乃張度之月影日生自初度至五與虛土同論危
六至十五度當作太陰看喜夜生秋令忌弦望晦朔
見土輕忌計重喜火羅金以助其輝忌行四土計或
火羅同決阻其初年虛女晦滯多災牛斗箕未能作
事尾火自初至七為事頗稱無土計迤邐春風心房
氐火局見之得意氐土十五度關隘如土計同決主
刑害破耗辰宮亢金生意洋洋得土計倍加春色角

度平淡軫度水涵月魄作事有進寸退尺之憂翼度
如常張度雖拖戈無土計不忌星度日助月華老當
康壯柳土晦滯鬼度井度有三五年晚福酉宮康壯
室火乃樹頭之火初至二火為主自三四至十八度乃
亥中初生之木喜生春夏及亥卯未月暨亥卯未之
宮如人命遇此終身無咎喜水字忌火羅金見之為
患幼年危度平善虛度女土財局遇金不吉更六壬
生人陽刃六丙生人飛來陽刃到此必喪於非命得

水字解減福逢火羅無咎牛度平平斗度遇火羅禍
甚無火羅或水字臨衝鈞合更甲戌生人貴如官魁
職元局主相助決然白手成名箕尾度臨官之地得
水字更六甲生人祿申子辰生人馬倘天馬官魁衝
拱富貴雙全名揚寰宇卯宮遇土計積穀聚財火土
同倍加春色心房度遇金更春夏生人不能為患秋
生更六甲生人陽刃決主刑害官非氏土小小福力
辰宮亢金難地如遇金更秋生六乙生人陽刃六庚

生人飛刃見之禍甚主非命而終春夏生人減福刑
害破尅角度無火羅平平之福軫翼度水泛木浮如
遇水字未為全善見金火羅無咎張度徐徐之福星
度木惡南奔柳度晚年康壯遇金碍壽鬼度晦人井
度得意有黃花之賀遇火羅必登鬼錄

壁度乃文章之宿天然養木之水初至二與室同論三
至九以水言之喜行四水四木度乃財福之限更官
魁祿馬職元局主或薦元官星臨衝鈞合必為顯達

之人名馳翰苑聲播寰宇忌行四土度及遇土計更
刑囚或陽刃天鋒當道無救決無素休非天必破蕩
刑害四火度及火局遇土計禍亦無疑夏生尤怕火
羅煎焚之禍如羊投虎口

奎木乃文章之宿火柴之木也凡人於此安命者聰明
智慧自初至十五不問四季皆以木論忌者火羅金
也凡行限見之無救為禍必甚亥限幼年平善子限
虛度木為地劫火羅無咎遇金為患無救夭折金牛

度稍晦斗度天盤返吟若遇火羅更六癸生人陽刃
辰戌丑未的煞到此必然天阻斗十關隘如羊投虎
口箕尾度臨官若水亭更六甲生人祿申子辰生人
馬如官魁祿馬局主職元衝合白手功名前程亨奮
卯宮木局得水亭木迤運春風房度遇火羅更六甲
生人陽刃非夭折必官刑破尅氏土財限得意亢角
中蹇剝刑破軫翼度水泛木浮有進寸退尺之憂張
度平平星度灰飛烟滅更火羅臨衝拱合六丙生人

陽刃遇此決阻壽無疑柳土平淡鬼度晦滯井木返
吟拖戈十五度關隘申宮木絕不吉

婁度乃鍋鼎之金以火為主喜生寅午戌之月及春夏
得時忌水字為難遇羅犯主見木炁白手發用若火居
寅午戌局得令得時終身獲福若居巳酉丑一世迍
初行亥限早年稱遂子限見水字有制禍輕牛金守
株度日斗木母鄉若遇木炁當途更甲戌生人貴必
能發福更官魁天馬職元局主決許名題鴈塔箕度

稍晦有木炁發福遇水字禍甚尾度得意見金戰尅
破蕩得水字木炁逆增福力心房迤遲春風更六乙
生人祿遇炁老當益壯氐角亢金早宜退守慮有風
燭之患軫水中翼火中皆非順境於壽有碍張星度
旺甚亦宜守常未限木局老更精神

胃度乃泥竈之土也初至一與婁火同二至十四以土
為主喜生辰戌丑未月怕春失時忌木炁喜火羅限
行婁幼年得意奎木晦人遇木炁必阻得火羅早能

卓立亥限木局晦昧無成得火羅却能顯用子局土
旺之鄉六癸生人祿居祿乙巳生人貴居官更單火
獨羅大能展布利潤名香牛度如常斗度不吉木炁
得道更六癸生人陽刃倘更刑囚的煞死何悔哉箕
水財地無木炁吉遇木炁凶尾度遇木炁碍其凶甚
遇火羅稍順卯宮火位無水優游之福有火羅遇水
字事事晦辰宮亢角度不利軫水翼度乃羊腸之道
鬼錄書名午宮火局老景康壯未宮井木多晦少安

如遇木炁決阻壽筭

昴度乃酉宮西沉之日影也餘光次舍只以金論喜已酉丑月及秋生忌春夏失時見火羅尤重忌字泄氣遇土計決能發用初行婁度早年晦滯更火羅或六辛生陽刃到此夭折無疑有救減福此度見土計必發奎木財鄉無火羅平善有火羅禍甚亥限遇木炁必能發用見火羅返禍子宮土局子歸母腹必發優游之福更六癸生人祿居祿乙巳生人貴居官得土

計或官魁祿馬局主職元居之決然白手成名富貴
人矣遇火羅倍加福力見孛禍輕丑宮牛度徐徐平
福斗木財限得木炁水助之發福見火羅居之不吉
箕水脫氣晦滯遇孛阻壽尾度木臨官木炁當道生
意洋洋卯上心房二度火之正垣忌見火羅怕木炁
居之黨其煞氣更六甲生人陽刃遇此決無素休無
火羅木炁於壽無碍多見坎珂氏土老當益壯亢度
有土計無咎午限有孛或火羅不吉更丙戌生人陽

刃於壽有傷未限木局丁巳生人陽刃遇火羅不吉
畢月乃酉宮太陰次舍餘光寒潭之月影也自初至四
與昴同論自五至七度上弦中旬夜生以太陰為主
喜金火助力忌土計及行土局土度晦滯多災更遇
土計火羅凶四金度得意畢八至十六觜參同論以
水為主喜生秋度春夏失時申宮乃西方金臨官之
地見土計禍輕忌土尤重故西方初生之水本清怕
土混濁之初行酉宮金局畢昴度少年得意得土計

助之愈加福力如字居之主縊溺傷亡之患胃土晦
人婁度火局見木羅必發財福遇木炁同倍加春意
奎壁室度木局脫氣守株平淡家風子宮土局見金
必能發用六癸生人祿乙巳生人貴愈更精神無金
晦昧進退得失不一此局遇土計亦晦見字主陰人
破蕩牛度平淡生涯斗度脫氣見土計無咎遇火羅
發財箕度無字計平淡心房氏小小福力氏五度關
隘更六甲生人陽刃如不喪身決傷肢體破蕩人矣

亢金老當益壯角軫翼晦滯迤邐更申子辰生人劫
子午卯酉生人的或見字碍衝合到此必登鬼錄

紫度乃漁燈之火與參水同論參水乃申宮初生清冷
之水喜金及秋冬生辰戌丑未月生見土計禍稍輕
遇字禍甚限行金局金度更得金助或祿馬貴人更
官魁天馬局主職元陰注陽受臨衝寫合決能白手
成名增財進業行四土度及遇土計刑破多危見金
同返吉如四水度或金度遇字更陽刃天鋒當道天

壽無疑若婦人遇之主落孕傷胎之患如木炁解救
減禍

井木自初至八乃西井之木除初度與參水同論自九
至二十五不問四季皆以木論此木乃東井丹桂之
木也與凡木不同見金火羅為患輕遇炁禍甚少年
參水度水局早有成立金局昴度作事進退水字必
能顯用立業興家胃土財限得土計決然增添財產
婁奎度脫氣返吟之地奎八關隘倘遇炁更六辛生

人陽刃或天鋒等煞臨衝非喪命必破蕩壁水室火
皆是順境如遇水字及土皆能發福興田進業危虛
亦宜守株藏器入牛女度如常斗度返吟斗十關隘
更六癸生人陽刃辰戌丑未的煞無煞破蕩刑害有
煞阻壽箕水無煞老亦康壯尾度平平無咎心房氏
局脫氣多滯六甲生人陽刃不吉戌土財限無火羅
煞稍順如行亢角中老有風燭之患

井二十六至三十與鬼金同論此金嫦娥首飾之金也

皆以老陰為主喜秋夜生得時忌晦朔怕土計及行
四土度喜金局金度火局火度初行申水局平平之
福酉宮金局倘金月同更夜生及六辛生人祿居祿
丙丁生人貴居福更官魁天馬薦元官星居之必白
手成名權居翰苑昴度得土或計倍加光彩胃度得
金愈更精神婁度遇火羅為剛星助月遇土計不吉
若八月秋生減福辰戌丑未月遇之更六辛生人陽
刃到此應無素休有救則刑害破病無救死而無疑

奎璧室木局得火羅能助月華土計居之受制無咎
子宮土局淹晦坎垆遇土計單行為福必矣輕則貧
病重則喪身牛斗中守株度日箕尾限豈能邀福心
房火位夜生得火外助老當益壯遇土計阻壽氏土
亦然亢金度晚景康壯角度天盤返吟倘六乙生人
陽刃不吉

柳土乃離明天河之土也乃日之正垣火之旺地此土
主貴喜生辰戌丑未月自初至一乃柳稍之月與鬼

同論自二至十二皆以土言喜火羅及行火局火度
忌木炁及行木局四木度初年未限井度晦蹇不利
如丁巳生人陽刃到此見木或炁夭折必矣井度見
火羅必發初年之福申宮水土長生之地未為全美
進退得失酉宮土敗皆未可言福胃土返吟拖戈得
火羅喜木炁同愈加福力如無木炁必阻婁度火局
事事平和得火羅臨衝寫合晚年稱意奎璧室木局
遇木炁阻壽見火羅老更康健子宮土旺平淡守株

大抵怕遇木炁見之為患丑宮牛度如常斗度難鄉
斗十關隘若六癸生人陽刃辰戌丑未生人的煞到
此終壽見木炁死亦無疑箕尾中皆非順地卯宮火
位康壯無咎氏土返吟六甲生人陽刃更木炁刑囚
碍之決為泉下之人也

星度乃離火之精真太陽也喜夏晝生不宜夜生喜金
輔佐忌木以蔽其光怕羅薄蝕之春夏木羅逢之禍
甚秋冬木羅遇之禍輕初行未限井木晦人申宮水

局稍稍見金水吉遇木必災破酉宮得金或水拱守
臨衝更六辛人祿居祿丙丁人貴居官如官魁天馬
局主職元臨衝寫合必能白手成名聲播寰宇胃土
或木不吉戌宮火局迤邐春風奎婁度遇羅更六辛
人陽刃必主中年之憂刑傷破尅亥限木局晦困蹇
滯遇木決阻子限平淡無成丑限斗度忌見木炁羅
碍之不吉寅限猶忌木當途卯宮火位遇羅有咎六
甲生人陽刃於壽有碍

張度初至三太陽同論張四至十四度太陰為主喜秋
夜生忌朔望弦晦怕土計及行土局土度喜金火羅
以助其輝喜行四金度金局得意幼年星度無碍柳
土晦人遇土計必天更丙戌生人陽刃倘天鋒飛煞
必喪於非命鬼度得意井度平善見土計無咎遇火
羅必能發福申官水局金臨官之地徐徐之福酉官
金局生意春風六辛生人祿居祿丙丁生人貴居官
更得金臨衝寫合或官魁天馬拱合中年得意必發

非常之福胃土遇金倍加光彩土計居之更六庚生
人陽刃主刑傷破害婁度火局得火羅助更夜生決
然得意土計同反禍更陽刃其禍愈甚奎壁室木局
不利火羅居之黨土計之威子宮虛危度六壬生人
陽刃更刑囚暗耗臨衝非喪命決刑傷破蕩丑宮牛
斗度多晦少利寅宮箕尾度得火羅助平平無咎土
計居之亦能為患

翼度乃漁燈之火自初至三乃火為主忌水禍輕見字

禍甚自四至二十度皆以水也與軫同論軫水乃大海汪洋之水與翼同論喜金忌土計孛見之無救非天則破蕩貧病得金水會蛇癸與巳酉丑人位居清要給諫之臣初限張星少年擢用名播乾坤柳土不吉無火羅有土計平淡災咎遇土計火羅非天必刑破鬼度一載無光井三十至二十三二年生意出入順便利祿井二十五至井初木局得火羅白手發財無火羅土計平平無咎遇火羅金平福遇土計無碍

參度雖拖戈乃金臨官之位不能興害若得金助更
六庚生人祿居祿寅午戌生人馬居官如天馬官魁
臨衝寫合由文學進白手成名酉官金局遇金更六
辛生人祿丙丁生人貴無火羅字必發非常之福有
土計助愈加厚福胃中遇土計凶得金反吉戌限火
局得火羅必發福木炁助尤妙土計居之為禍不少
奎璧室木局見火羅居之有財土計字碍之減福子
宮土旺之地土計碍道三合衝拱更陽刃決阻其壽

子丑二限見金無火羅孛老更精神寅限木局脫氣
慮有下部之疾

此分經造化大抵舉一而知十只依五星生克制化
子細消詳萬舉萬中更五星遞留伏逆為緊度數闊
狹推究若能熟讀之於
心可作術家之衣鉢

十二宮定數賦

文義俱佳

寶瓶子位玄枵齊邦女虛乃屬土之正垣危月亦為水
之旺氣水孛冬旺而立見成家火羅夏生而必然富
貴火土生成招厚福計炁忌怒遭憲章日月順躔縱

坐孤亡而生涯飽暖木炁攻度如不夭折而家計傾
頽若逢太日照臨必趕退當年之弱木更兼天首入
宮未可化正宮之難炁晝火未能成器夜羅必能致
祥寅卯二宮官魁顯而名早登鴈塔寅亥二宮暗耗
欺而財似雪溶湯冬火無光亦主家道充足春木有
氣必愁體用早亡夏水臨官而慳貪吏輩秋計同位
而兇攬牙郎夜月明在虛躔文章不露晝陽輝於虛
位福祿愈昌限值寅宮之歲宿虛度少年更逢卯位

之孤神惜乎壯歲

磨蝎丑位星紀揚州正當斗牛之星輝偏喜火金而燦
爛夜土單行而千災不陷晝火獨立而百禍俱消日
月無情不照覆盆之下木炁相攻難保生身之全單
炁而六親冰炭獨計而五族華夷金星入局一生發
非橫之財熒惑歸垣終世享優游之樂卯辰火羅寅
亥炎熒夜生為貴以榮身晝誕為災而不難五星朝
官居極品九曜會貴不可言若在空亡之地火羅生

夏令何愁不發若在高強之位木炁攻秋金必主無成冬水入垣必須破祖秋計會命亦當損財孤神照而常挑嫁帳寡宿臨而孤苦無兒寅宮強木之為凶必主天年之不保卯位健炁而為煞斷定人禍以相招

人馬寅位析木燕分尾斗乃木之真垣箕宿亦水之次舍文士生而多此宮泊宿舉子現亦於燕地安身木火交而多招病患水火會而過惡難施金月臨五更

有氣筆下生煙字羅會三春得用閨裏有錢旺氣居
辰常患風恙秋金入局亦忌癆癰更看天上何宿又
推地下何星官魁現於天上四句名揚四海爵印顯
於地下三十位列三公水陽居鄭虛逞嘍囉土計守
亢一生愁嘆忽逢刑字與高強因官致富若有囚水
占官官傍貴成家身同亢躔縱夜生傷財難免太白
歸垣若冬令不能為害亥藏土計生身不出辰宮荆
有水羅大貴必生巳上

天蠋卯宮流火宋分正當大火之尾房亦會氐心之土
月孛星守而心腹災生水宿臨而臆肝疾定最喜入
命木星為刑囚亦當致富又宜到限紫炁作暗耗亦
能有成福熒夜朗功名早動宸京刑孛攻熒魂魄早
歸岱嶺木炁攻田而田宅進益水孛破福而福壽俱
消金牛見孛常防陰女而傷身人馬逢金大忌官符
而破碎日東月西名不求而自得陰陽易位利多取
亦無成陽酉陰卯決無久遠家風水西孛東那有連

綿活計羅星守而自逞英雄計星入而為人愚蠢大
抵星躔如此亦觀月令相同限到煞宮須夭折命逢
難宿定遭凶

天秤辰宮鄭國充邦芒孛呈輝於亢度壽星亦現於水
躔最宜金月夜朗而名動甲科又逢土計晝生而官
居極品若逢火羅旺三河必斷少年之薤露又值孛
熒臨獅子壽於壯歲不經霜太陰獨行巨蟹更喜孛
星太白獨守亢宮又宜土宿身月獨明月孛單照若

還反生於魯分傷妻害子又或順行於雙女損子離
夫大抵太陽獨行午位而百福來迎設有五星會合
離宮而千瘡不利宋宮遇計而家積珍珠幽位逢苴
而粟藏千困水字會命錢財常施於陰人計字背行
福祿每求於吏輩

巳宮雙女鶉尾楚荆張軫二宿真水局火蛇秋令正清
辰土宿臨宮防不壽計都到命必傷殘金水同宮秋
令亦能發跡水金獨旺夏月必能有成單水若會陰

陽末年大富太陰夜生巨蟹唾手成名太陽臨位為
人萬象包容太白對望此輩千機兒攬字計立而身
流四海字羅會而命喪三隅太陰生於瓶地一生勞
碌不曾閒土計若旺留宮半世顰眉而獨立若逢空
庫中年萬一不如前更會呻吟末世千倉亦破碎

午宮獅子鶉火三河星張為君臣之正禮柳土作輔弼
之相隨太陽臨星而登正殿一世無災太陰入張而
守后宮終身有慶金水扶陽而為貴木炁相攻而作

凶火羅重疊晝生必定傷殘孛計交會夜誕亦當產
喪單水為人巧計單金主性多剛朔望反而衣食何
益陰陽順而富貴非遲最宜單火單羅福權反盛若
還獨計孤孛威勇尤昌逢木月則重粧嫁飾遇月炁
則再作新郎須為林下之先生方免刑傷于一世

未宮巨蟹鶉首秦州太陰初生於鬼躔少年薦鶉快橫
秋旺木四時生井宿壯歲化龍知有日土計交始為
蝕神不啞聾必遭毒藥孛羅背方能為福作武士必

主英雄太陽單行六親失力紫炁獨旺俗計無緣金
水伴而名必顯火羅背縱富無名木月同躔非特富
而且貴太陰遇忌雖聰秀亦奚為月羅來往此身難
免不歸鄉月計同行斯命必然暴外路須教破病暗
纏身庶使優游於一世

申宮陰陽實沈晉益觜參乃水之正宮畢井為身之次
度水宿難經名早題於虎榜木星入命利常滿於龍
倉日月不明任得地只成小富土計為煞縱為福也

主凶危孛羅背財求陸路孛計會切忌遠方太白獨
行富而且貴火羅順往任富無名土計同入雙魚本
為煞而無患水孛戰於白羊雖為吉亦傷殘紫炁入
而財豐厚土宿獨而禍俱消身同官宮功勲生於毫
管金月魯分名利出於征鋒火土獨守福官橫財可
取土計夜臨衛分一世速遭

酉有金牛大梁趙分昴畢乃日月出入之門胃度亦土
金相生之宿月生滄海利黃昏太白歸垣宜夜裏土

計為人豐厚火羅主性多剛夜生為禍不侵晝誕天
年不永日為西沒卯時必定早亡月臥金牛晝誕名
亦何益木炁忌星逢春生必獲資財子宿凶神遇二
八不能為禍水宿躔身為財星入命月居卯戌作鬼
旺身衰少年多富多福以榮昌壯歲破財破宅而不
利火羅為煞夜生喜照於寶瓶木炁為財四季不宜
於齊子金火不降舉手傷人之輩月熒爭耀敢獨衝
陣之徒蓋忌星反作吉星吉曜反為煞曜

戊地白羊降婁魯國甘羅幼歲成名月居奎度鄧通少
年巨富太陰在婁日月臨錢財常滿於囊篋火羅旺
名利每出於旌旗身月奎宿呈輝文章奮發亭宿婁
宮爭水痼疾躔身單羅可忌恐壯歲暴亡水亭相攻
定少年夭折木炁守而財帛昌盛木炁限而富貴非
遲字計畫生而不夭常患災生水火夜誕亦無傷難
堪疾苦單炁為人好善隻木主性多能若逢旺土守
官宮末年獲福更植紫木在丑位發成便亡

亥位雙魚五星好顯於娵訾幽到天門九曜宜臨於衛
分位極官高蓋因太白旺乎室名登臺省身月常照
壁兼危忽遇炁金身恐隨於蝶夢若逢計字命必喪
於龍宮出地入天日生有氣移乾就濕晝誕無虞金
星入而防妻魍魎水宿會而恐子螟蛉單羅而功名
蓋世單計而妻妾重傷炁字常患於性剛恩中反怨
羅月必遭於病患服藥無功縱有刑囚內夾因官致
富若教福祿齊行為吏成名水字單行喜居寅丑月

金有氣最喜燕邦單金單木占妻田中年發福孤陽
單月坐官福縱富無名身月若居天秤太陰忽坐金
牛若逢春生必貴若生秋令無光三方陷而無吉助
一世安能進身更推諸煞以伏降末年皆由平坦

二十八宿坐命詩斷

安命若在鬼井中 敢言敢斷性英雄
生身若在星柳位 亭計同躔作貝戎
東西南北月歸垣 筆下文章冠世賢

若是晝生無發用 中年見月必斷弦

翼軫從來屬地戶 唾手成名文必露

若還字計在高強 決定中年尸外路

角躔安命性不柔 機關作事世無儔

若歸亢度生秋月 高官極品百年秋

氏房心宿屬卯宮 定他氣性最英雄

若還水字一齊入 設使居官不善終

尾箕主人多病患 管有一呼百人喚

斗木為人性有剛 牛女為人寬且緩
虛宿單行分晝夜 畫生剛直言語徐
夜生必是破資財 富貴浮雲如水苴
室壁從來木向榮 包容萬象性如神
不惟服衆居鄉校 不日成名達紫宸
奎宿文章世所稀 少年筆下有珠璣
更兼夜火一齊入 身著錦衣換布衣
婁星度兮有十二 日生允頑無可比

夜生沒有福祿臨 大抵作事無終始
胃昴二宿與金同 為人自逞有成功
若還木炁臨齊子 一世空為百歲翁
紫參立命屬陰陽 倏忽聚散未為昌
朝雨暮雲無定性 木火臨之福必降

星學大成卷五

欽定四庫全書

子部
星學大成卷六

詳校官監察御史_臣邱庭澍

靈臺郎_臣倪廷梅覆勘

總校官進士_臣朱 鈐

校對官中書_臣潘庭筠

謄錄監生_臣王 宮

欽定四庫全書

星學大成卷六

安命論

明 萬民英 撰

星家源流以太陽為命之所自出太陽出卯故人之立
命亦在卯不知太陽出卯者舉大較也以大較例人安
命此命之所以不準今以太陽東升考之小寒至芒種
小暑至大雪俱出卯若冬至後十九日晝極短而出辰

初初刻夏至後十五日晝極長而出寅正四刻人立命
既以太陽為體則所生所出時候亦當隨太陽推遷以
余觀之凡日出卯時則立命在卯若出寅辰則立命當
在寅辰通闕加盤俱因輪轉方足以體造化之妙臺厯
首論十二宮立命專考對度余命太陽在斗十九對度
是張一當以張一度立命是也況太陽過宮處毫釐之
差宮分判然又不可不細考也

十二位論

三辰論十二位高下歌

當生日看何宮
加何元時回視東

天輪自轉地輪定
卯上長為命所宗

然後配以十二位
其中昭然賤與貴

巳卯午上為最強
子酉之方是其次

寅申亦以近名之
三合要看亥與未

此為照處餘則非
吉星要聚凶星離

辰戌二方稱惡弱
天象奚堪下臨著

善曜何常能致祥 凶星好事渾銷鑠

第三之宮號閑極 五星不得纖毫力

惟有月在此方生 却向命中添福德

十二宮高下乃逆數也凡吉凶星曜在命三合及對見之則力緊也丑之為位乃在癸水之末且其為土又是虛處水遇虛則明故宜於月雖曰閑極實可為用比其他星曜所不能及大抵以郊為命則當從此推之在餘位者固不可執為例也

論命宮主星歌

本位無星理對宮 縱橫三合理皆同

若無一宿推宮主 宮主星同斷吉凶

如人命宮無星者但看宮主星在何方若在七強宮
更在廟旺亦主富貴若在五弱宮并留逆段或作忌
星主貧賤或更與惡星
犯身命不得其死矣

論身宮主星歌

古人常重在陰陽 此法推來第一強
日向東生為命局 月從西出作身方
今人只算在身宮 但把當年月位終
理謬不知真造化 枉將心力妄推窮

造化身宮源流皆有自來今之論星皆以太陰坐處
即為身宮是為淺陋夫身宮者與命宮同即以生時
從太陽數至卯則為命宮胡不以太陰數至酉為身
宮既以太陰生處即為身宮則當以太陽生處為命
局此法甚長余世家之學每每賴此

論身命宮歌

身命第一號高强 惡曜偏防犯此宮

日忌火兮夜忌土 不宜十五度中逢

前後最嫌逢惡曜 吉星釣月有光耀

更加金木作宮神 宮主尊時第一妙

天之稟賦實根原身命二宮人之操持亦憑賴陰陽二宿身命二宮防惡曜之侵陰陽二主忌凶星之入擇其尤者則日生重太陽夜生重太陰推其至者則男人重身女人重命然十五度中而遇忌星加宮主星無氣必然禍起災生此論甚審

論身命二主

十二宮中惟身命二主最為利害論五星先當輕重乎此夫主星如魚之水木之根魚無水則死木無根則枯身命無主則危此理甚明論主星者畏刑煞忌陷弱如或逢煞與刑逢陷與弱欲長年享福將何所恃必然刑

害夭折凡論主星一喜逢祿二喜逢貴三喜逢生四喜
逢廟旺五喜高強與善星並立遇此者必功名富貴若
陷入遷移必主流蕩在疾厄主傷殘臨財帛多積聚入
田宅則田宅萬頃居福祿則福祿有餘入奴僕則奴僕
不走與善星併則先艱難而後富貴若逢惡曜斷然貧
薄隨驗隨應余嘗試之而屢中也

論星曜同照命宮

金木水同宮若臨廟旺樂度主文章秀麗聰明智慧清

職品序貴格

金土炁日月同宮若廟旺得地主蔭潤福祿龐厚性寬
處世溫煖也

金火水炁日同宮若陷沒主尅父尅妻平生多蹇

金火羅同宮得地則貴乃武職品序若陷沒反成蹇破
招刑

火土計李同宮若陷沒主凶暴夭刑若非兵權武卒必
難保平生之福

金木火計孛同宮則曰疊刑主人成中反破福中反禍
尅害陷禍多蹇招刑

日月羅計同宮則曰蝕神主人損尅父母若在第四宮
必主破相無主權性暴出身低微偏生庶出

土孛計同宮若夜生更陷沒必主夭壽卑微下愚狠毒
主刑

火土同宮不問日夜若陷沒宮決多蹇破

孛計金水同宮主性姦雄淫慾酒色招刑是非愛憎臨

身雖身不足舉此十例其他尅剝皆准此

論星曜合照命宮

木金水合照主聰明文藝性多巧伶俐貴氣文秀

日月炁合照福祿厚重享福豐足

火土合照主性靈不藏事得地則聰明陷沒則凶暴

羅計火土合照主形性膽氣凶暴雄豪若為武職主威

權

日月合照主大富貴為人材貌英偉聰明近貴且舉此

五例若有一星臨之須詳前段星辰論其禍福隨宮分緊慢而言之也

凡論五星全在於命宮分野宮度然後論其身宮主星祿主星三方三限主星其星辰禍福子細消詳廟旺陷弱而言之也

歌曰土日同方生在晝 更在陽宮當富有

夜人倘見落陰鄉 作事多艱是殃咎

土星合照福堅牢 好潔難婚亦貴豪

金如會火守強位 性緊貪華性更高

水與土合有學祿 智慧無窮愛番覆
木火同照主貴權 設施驚衆誇神速
木金宜得女財多 貴貌端嚴心多慾
此二星在命宮或對合見之主得富貴貴而多妬
日在火兮生在夜 若據火西必權霸
木星更照定封侯 尤於武庫增聲價
從來日與木同塗 貴顯成家與衆殊
夜生月若火相會 縱然殘減亦分符

更向高強逢著木 名達財豐真貴族

火如照月當晝盈 却苦瘡痍每煎熾

論星曜對照命宮歌

更推星曜相衝望 就中火土為災障

對在強方并見月 中年困苦多消歇

濕宮水照當憂溺 乾位却須防獸噬

少男少女少資財 多病多迍多口舌

或遭毒藥及刑傷 了了經中皆具說

東南巳午為乾宮西北亥子為濕宮

諸方最怕陽對木 復在陰宮更勞漉

金如望火不利婚 若使迎陰却宜娶

土星衝月蹇語言 作事多妖難與語

月如見土天并狂 見水其音為吃苦

火日自傷先尅父 土月須知不宜母

火星對月轉就火 須信望中俱作禍

火月或土對土月或火對及月對土火是也

不然共守上下宮 或伴月行西沒過

此為夭折寒微人 縱使暫成終亦破

流年星與限值及太歲相宜則有如意之事然根基
淺薄終久不利也

按此節專論日月怕見火上亦須分晝夜而言之

論財帛宮

若見金木日月主豐足溫厚富福經云足祿多財木星
與太陽同會平生不耕蠶而衣食具所謂生居豪族世

無虞出有輕車食有魚福壽厚高天與佑平生萬事稱
心如○金主得妻財○月常有財帛多成敗不積貯○
日多積蓄星聚為福忌土火字計水臨照此宮或臨巳
午之上更有火土之照決多蹇剥土主耗散縱得錢纔滿
必傾若吉星合照同宮不妨四十後五十微發經云火
居財上旺年年中主交時即不堅若得吉星三合照中
年破得末團圓○月孛生來少積貯假使中年承祖宗
付托有如三春之花正開時被狂風猛雨折了若有吉

星照視方免破敗○計求財如緣木求魚隨得隨喪多
成多敗中末却主旺○水主初年耗散經云財帛宮中
遇水星如人把火照霜冰第二宮中逢此宿初年囊橐
盡皆傾水星生旺莫臨財進退難逃主有災縱有資財
千萬倍如人把火照冰開別有吉星轉助則可若見水
星獨臨陷沒必多破敗祖業

論兄弟宮

兄弟只論其和睦與不和睦今人多愛問幾兄弟若與

他分其數目則失矣茲見日月金木炁則兄弟慈和友
愛日喜於陽位則福繁夜生在於陰宮則祿慢月主有
兄弟姊妹上下和睦無尅害月在第三宮號為入廟經
云第三宮中為閑極金主兄弟三人姊妹二人皆得力
木主三兄二弟孝順和睦無尅只忌羅計孛火土必須
尅剝當自立也羅主有兄弟三兩人亦得力主大貴計
有兄弟不得力若獨行則兄友弟恭孛總不得力縱有
亦爾東我西相見如水火與他人一般只宜自卓立水

難得兄弟力土不得力

論田宅宮

田宅亦為父母宮若見日月金水炁福星臨之得地必主滋蔭享上人之福經云多居產業金水木照田園○金主有祖業父母具慶衣食自豐○水難招祖業自立方旺○木多居產業父母全○月主尊親有壽宜居祖業忌羅計火土入宮分必須剋剥父母不然主過房庶出破敗祖業破而再成也○羅自宜卓立更有吉星照

臨則家道大興○計祖業難靠宜自卓立如炁木二星
傍照不以此論○火不得祖業賦曰少失資財金火同
臨獅子位獅子非午也蓋獅子乃官祿之位對照田宅
在子位也若吉星則禍福又異○土雖紹祖業亦尅父
母因田宅爭訟○亭主尅父母有祖業終破敗若居次
胎則父母無碍更加土計同宮則主過房偏生經云田
宅宮中土亭防三方閑極可悲傷此身若不為僧道却
喚他人作父娘又云土星月亭居四鄉合招異姓作爺

娘不是偏生婢妾養東房移過喫西房

論男女宮

第五宮中號男女最忌字計并火土必然尅剝少女男
若非外姓應難主○若見金木水日月必主貴子俊麗
之男○金長宜見女次則男貴主有三男二女或晝生
人或在寅上名為愠怒無六巳人宜見異姓之子○木
主少女多男日生則多夜生則次男聰明智慧女四德
無全○水主有四子聰明端正至老得力如在戌位則

宜偏生過房桃花夾竹異姓之子若六壬人見之即主
二男二女須詳吉凶星斷○日主五男二女至老不尅
六壬人見之謂之尅星倍加福力○月主男得力若被
羅計照破則主遲晚或長見女若在卯酉亥未巳者不
怕惡星若見月亭必主尅剝經云子孫之位怕亭過無
男應是女生多若得善星來照視晚招一對定應多○
亭主女多男女遲見方保六丁人此宮見之全無縱有亦
不得力如有吉星合照不妨若太陰相對則主男大貴

女封號日生則減力○火主二三人若為土星首尾合照或白日生人六丙生人全不得力主孤寡土主一子若入廟則有二子忌曜則減力○炁主有男女宜遲此星亦名孤星○計男女少若早見則定尅晚年主一子羅不宜早見經云蝕神臨子最難為得力還招外姓兒假饒若過三旬外親生一箇是便宜主桃花夾竹偏生過房惟六甲辛壬人主三男二女至老得力若六巳人此宮見之全無子息縱有不得力○又論命宮福星盛

旺必主子息之盛若見凶星惡弱必然蹇破經云妻無子息都緣月亭在七強凡論女人子息大槩與前同惟巳午宮坐命曰乾宮若見計亭忌星則主難子不生或亥子坐命曰濕宮若見金木土星多主子息三男二女之數

論奴僕宮

第六宮中號惡弱五星不得臨照著一切加臨在此宮福祿資財日消鑠凡星辰皆不喜此一宮若得善星在

其中福力慢主奴僕侍從之福金木得力定主少年尅
父母○水主有奴僕鞍馬中年走失○土有奴僕多走
失若有水星同位則至老奴婢成羣○羅主奴婢自然
豐厚一呼百諾○日一生得力若見計孛火土刑星反
遭其害○計常被脫賺○孛不得力多走失○火有奴
僕不久遠六甲人見此星者所謂祿主臨惡弱之地難
為享福若魁星科甲三方高強無慮此宮若科甲魁星
官星學堂祿主一切星落此總不得力

論妻妾宮

妻妾一宮與命宮相對又曰西沒宮看此宮有何星曜
若見金木水星則主美貌夫婦和睦若見火星計孛必
然尅破陷害又況金為人之妻星看金星落何宮又看
善惡星相會言之若會木水必近妻家財妻之陰潤或
近陰人財若同火土計孛必多尅剝經云尅妻害子太
乙與首尾同宮

論疾厄宮

第八宮中號疾厄忌見計字并火土忽然陷沒更疊刑
難免疾厄終身禍如有福星來解免尚且疾中難可保
若無救療決生違至死必須還尅破君子貴命見之多
主脚疾股肱之患終身常帶氣血之疾小人則折脚眇
目拳禿駝腰官刑徒杖之禍女人多招產難血氣之疾
至重者亦至身疾金計相會男女多主雕青痕痣也

論遷移宮

遷移主行藏喜金木炁福星臨之主君子遷官進爵經

云欲問榮華大抵金居九位凡見善星臨之處世行藏
皆吉若見凶刑忌星主平生多歇滅縱有官品常多蹇
滯若見忌土多主九流商游學紫炁土星並係客星
此論載靈臺經

論官祿宮

第十宮中號官祿若見善星多富足貴人職品必須高
小人必近食官祿凡貴命又看宮主是在何宮却分品
序此宮若見凶刑忌星計字陷弱反成不足職卑命薄

也

論福德宮

十一宮中號福德若見吉星須享福加與金木紫炁同
更在強宮必為淑○若見計字火土必多蹇破亦多主
福中之憂祿中不足縱使富豪常有意外之不足○太
陽福德最為奇白日生人喜得之五福俱全尊上德貴
榮三爵福無涯

專論福祿二主

人元當生之年稟賦者十有一星安排者十有二局十
二宮中所要者惟福祿為主十二局中所重者惟福祿
二宮今推之五星質之人為凡有卓立功名致富貴者
而此二宮未嘗無吉曜而福祿二主星亦未嘗陷○或
祿主歸窠或福星歸福或帶吉而逢生或歸德而帶權
或入廟旺似此之類往往皆是豈福祿無星而可耶○
如其處世孤貧為人流蕩以其福祿二宮驗之未嘗有
一吉曜而二星亦未嘗不弱或祿主背命或福曜逢

囚或祿宮帶刑星而黨立或福德帶惡曜而傷殘似此之類往往皆是豈五星關鍵而不在此二宮耶

再論福德宮變格

福德一宮人莫窮晝生從日夜從陰數取日月相去位還從東出配其終數盡之處為相位次看何宿守其中若遇善星相對照福壽高崇祿料豐又無金木作宮主

福德高强福更隆

見西天都例經

福德者為身命之根源吉星聚此則福壽堅牢惡曜臨之則命浮弱吉凶如響凡推其福德宮日生則從

太陽數至太陰夜生則從太陰數至太陽數其相去幾宮然後從命宮數其相去宮位即為相貌次則福德若正坐高強復得吉星為本宮之主加以文星又在高強必然享福無窮受祿綿遠

再論相貌奴僕兩位

相貌奴僕非高位兩者多緣凶與忌當生七曜落其間一世孤窮苦憔悴晝裏生人火占高月最不宜來對視夜逢土宿同此推太薄如何望身貴月在惡曜行度間惡者復強善者閑三方不救五星伏必為賤隸處人寰

論相貌奴僕於理為長識者宜詳味之

定三日宮

若下胎元宮不下三日宮
若下三日宮不下胎元宮

三主高強福祿昌文星會命貴人鄉更逢紫水臨其限
少年及第佐朝廊○三日宮中紫孛羅三方辰戌更相
過若被忌星來照著定向三朝損命多○三日宮中居
惡弱更加凶曜在其中吉星不照難延命縱然不死患
重重○三日宮中土孛傍三方間極可悲傷此身若不
遭此否定教他人作父娘○三日宮中水木星平生聰
俊佐王廷三方若在高強位金榜無疑定有名○三方

始得力羅紫命中行縱然為文職須當帶珮行○一生
身命處高宮三方精徹在其中官祿遷移吉星照員郎
給諫至三公○三日宮中晝火星夜生遇土一般同紫
炁限星如交著定見危亡三歲中○火星有壽只三年
縱得成人被禍纏大限不到三四十須交十五入黃泉
更看生後三日宮月到何星分度中金木相逢俱是吉
若交見水性偏聰○善星更作身命主復占強方不失
度此為有福無難人一生謀運何嘗阻忽然至此却逢

火終身宜免興災禍第一損壽二損財所向多乖遭折挫更坐土星同照地常時分外生逆否木曜縱橫不救之祿筭永終天然矣

夫三日一宮最難分別或者以為身命第三宮或者又為日第三宮互相矛盾妄指其說以為奇吁論五星者尚不識三日宮何以論人之禍福夫三日宮者係人一身禍福之地惡星躔之災禍隨至吉曜臨之福壽可期如其又在十五度中其應立驗烏可不詳論之今以三日宮併言之大凡論三日宮先推太陰躔何星宿而後逆推其宮分前三日則前三星後三日則後三星也如太陰躔尾宿前三日尚屬斗宿後三日屬房宿此為三日宮甚明而禍福如影響捨是推何星而躔三日之宮乎從其輕重分割則造化

可窺
矣

定胎元宮

太陰所歷
過一宮是

余按此條有二明三暗之說蓋
引天機所重者而証已之言

胎元宮裏金無木貧賤性殘當天促人生不幸定遭之
若見時臨傷眼目○土火胎元係二明男子遭之則昌
榮婦人逢之夫位顯莫教柔曜月前迎○金水二星號
最柔蟾魄無令與聚頭抱病打傷猶可已其間貧苦更
憂愁○月過一宮為胎元金木相逢定夫貧火土二交

并孛曜高强即是富華人天機數有胎元星三暗相扶
及二明必取富豪并世祿其中一半是官人疾病多端
見小孩只因金火犯元胎奈何上下相關照眼目瘡癩
競發來身宮胎元紫炁星不是疾厄與孤刑尅害爺娘
身自立不然有異見雙生男女紫炁犯胎星且為僧道
及孤貧不是雙胎并異母又須刑害尅雙親後扶前引
看星辰强曜康寧福壽人錯說陰柔凶短折更加惡弱
老憂貧太陰却到會空辰金木從高性且逕恩及親知

成悔吝到頭顧遇有誰人月限犯孤星不救

月前方九十度無星

對月皆金木水

行年又却值三災

月限忌土木二

後人推步知

相識若使斯人禍患來

太陰所歷過之一宮謂之胎元宮以未生三日之前月在其中故也亦名生前三日宮此宮有星曜禍福尤切月在此之宮謂之身宮未到之宮謂之生後三日宮此三宮星曜照見善惡與身一例言之天機無生前三日生後三日之說只以前扶後引有何星曜依訣斷之則無不驗然只以去太陰二十七度為準在二十七度外雖是隔宮亦如不見不謂扶引也天機更取前一方者蓋以十二宮分之為四方則一方者月前三宮是也定九十一度為準九十一度外不是如無強星輔之月限孤矣

總龜十二位論

命宮

欄駕經天柱星飛在祿宮又玉堂貴人宮卯上謂之明堂午上謂之軒轅戌上謂之武庫身命主星居此未可作下流命看天柱而羅計同不吉獨行主人身閑若在天門及飛天宮上吉大凡祿主居廟旺之地皆主發祿財主星會天柱在弱宮吉天柱命主二星俱入金門宮不必論田宅最好文昌星入學堂主修學如丁巳生人

天柱在未名夜劍鋒煞未為陽刃主天壽凡人天柱帶馬獨行見太陽主人心狂天柱躔遷移宮主人入贅過房遷居離祖之類與天蠱星同主人好訟或天蠱入身命宮主多招訟事天柱入官祿之宮乃官祿入命主星尋官並以吉斷

歌曰金星入命夜生吉 白日生人減半力

木星照命有多般 白日逢之必作官

夜生若有暗曜雜 返為凶禍主憂煎

水星在命合入廟 夜裏生人太陰照
或居雙女與陰陽 決定少年居顯要
火星入命不堪詳 白日生人主禍殃
更被孛羅三合照 定知啞吃與人傷
患勞枉死人孤寡 夜生又宜却無妨
土星入命主頑鈍 夜裏生人不可論
水命定知須啞吃 黃腫氣疾命難存
太陽坐命若逢木 羅紫同宮須食祿

火星不照定封侯 月孛臨之患心腹
太陰在命生逢夜 水宿同宮為僕射
土宿入命孛星來 有祿定知非久謝
紫炁印星號天乙 凡在命宮皆有益
生時不被惡星臨 善宿舍兮多子息
未月見紫入夜宮 夜裏生人為輔弼
若是土星三合照 雖則高强終是疾
羅喉入命計謀多 木紫同宮主富豪

金木太陽三合照 此人慷慨更英豪

女人夜生羅照著 自縊勞刑貧又薄

紫火水計入命時 此則定主十般惡

計都入命憂火命 此則十煞惡無定

貴人遇者以無權 白日生人宜修進

水星紫日如照臨 主命俱強為福慶

孛星入命人廉潔 目快心清為性別

紫木日金合照時 所作高强皆有節

日生火孛主星微 決定刑傷蛇虎食
掩口不開氣衝人 直得為官須歇滅

財帛宮

欄駕經天寶星財帛者天寶所司看飛在何宮祿主玉
堂吉見羅計孛火土正忌星反財物耗散怕廢星財不
興耗星財不聚陷星及狼籍分皆不吉會天蠱星主訟
破財

歌曰金臨財帛足隨時 夜裏生人皆進滋

木臨財帛必豐隆 日中生者最難逢

水臨財帛財帛散 更被孛來不足看

火居財帛與前同 土居財帛皆豐亨

太陽居此足錢財 貿庫常開待物來

月居財帛多財帛 只怕土星三合尅

紫入二宮亦忌之 遇日木扶還又得

羅計孛入損資財 終身不得資財力

兄弟宮

欄駕經天玉星所司兄弟之官名為閑極如獨行飛入
陷宮主少兄弟或本宮上見羅計字多凶金木主二人
水月主二人紫炁與水星皆善星日生人忌太陰夜忌
太陽並為孤宿會刑廢耗主尅害狼籍主尅損見火字
兄弟如仇讎大抵男女二命可詳細推

歌曰木金兄弟主英雄 水星和樂旺門風

火在此宮定孤寡 夜生不與孤寡同

土臨兄弟終和睦 日居未可同年語

生時父母決相背 木計合宮主貧苦

太陰若得主星來 輔弼榮華由此胎

紫臨第三兄弟少 計星遇此斷生災

月孛來時損兄弟 古今傳說禍難推

田宅宮

欄駕經天富星田宅者天富所司在命宮主田宅加凶
宿即無落陷終有亦少強宮廟旺承祖業如羅計孛星
土忌刑廢耗星相會或被劍鋒狼籍天蠱對照或三合

傍照並主破產如飛陷官主先無後有祿宮玉堂皆是
自能卓立

歌曰金居田宅父母宮 白日生人主困窮

如逢夜裏最為吉 產業自營邁祖宗

木臨田宅興父母 自然福壽世難同

水居第四旺田莊 更有雙親壽命長

火星臨此不堪說 土星躔入有房廊

白日生人為最吉 夜生父母早身亡

日居田宅足田園	木臨雙親壽命全
火亭不照多產業	水金合會常堪憐
月臨雖稱旺田地	白日生人反作累
紫炁居之多壯宏	父母一時居富貴
木星入位必有官	水月合兮居顯位
羅入田宅不堪猜	十般惡死及破財
計都侵之憂父母	田莊牛馬化成灰
月亭居此亦如之	夜生亦可減毫釐

晝生又忌火來尅 父母早亡主孤恹

男女宮

欄駕經天孤星男女乃天孤所司大槩與兄弟同推詳
入陷宮主遲或刑耗忌星化劍鋒狼籍天廢星並主尅
損更看犯星輕重太陰在五宮先見女金水多男女羅
計主拘性及尅害

歌曰金星若在男女宮 三男聰俊各英雄

火在此宮不得地 遇著定來更莫窮

土臨第五遲遲有夜生決定主孤蹤

太陽若照男女宮必主貴子顯門風

太陰居之亦如此三男富貴夜為功

紫炁當生照男女不被惡星并火土

三合水月同聰俊男女榮華定文武

羅照男女主天亡計都臨照亦災苦

孛星倘若照此官十生九死空費乳

為人性狠惡肚腸此乃依經與君語

奴僕宮

欄駕經僕馬星六宮見孛與人不和太陰星入此宮定主卑微下賤又惡星會極不好天柱星入此宮主閒事勞漉小人反覆不情之態

歌曰金木星居足奴僕 土若加之夜為毒

火在此宮必少力 太陰值此多悲哭
非惟辛苦有多般 決定生時非正屋
月若居之被日土 一世多逃更貧苦

第六宮中見太乙 男女頑愚多忌疾

不然遲忌亦寡微 此乃皆言為不吉

計羅居此有災殃 字若臨之號凶極

妻妾宮

殿駕經天對星妻妾乃此星主之忌惡星在此宮主損妻天對之星入陷婚遲此星見劍鋒狼籍及主星皆不吉金為婦星須要明淨如同劍鋒煞主凶亡見羅計主尅害孛寅金申主妻有貌帶官星主妻有陰見刑星即

刑火主重婚土主重濁肥短貌不佳金水秀麗木星長
瘦金星逢天耗狼籍二星女命全見主尅盡外家財帛
人口之類

歌曰金在七宮妻妾好 木星會此日相逢

其妻非但能廉潔 貌白容妍世孰同

水在妻宮多妖冶 火則傷殘莫論容

夜生猶自主離別 何況生逢在日中

土入妻宮無貌娘 妻妾命如日裏霜

太陽美貌火孛醜 太陰見水美容粧

紫水星臨太陰吉 羅喉自縊檢尸傷

計入妻宮勞患死 不然毒藥溺江亡

妻妾宮中見孛星 計都水火自相刑

無主蛇傷並自吊 不然產難墮青冷

火孛瘟黃死暴哀 落水懸崖產難灾

金鎮太陽真絕妙 多招妻妾外家財

火土生離并帶疾 鼓盆三度請良媒

木紫二星多美麗 姿容可與孟姜偕

羅計二妻產難別 暴喪逃亡自帶來

紫亭水金淫慾甚 交情奴僕老心灰

疾厄宮

殿駕經煞難星疾厄者煞難所司如見本宮星主帶疾
六八十二同見亭主破相或有宿疾此宮水月同主風
疾土計同主脚患土亭同主耳聾火化劍鋒主心腹血
氣之疾金忌火傷主血膿腸風之類大凡命宮疾厄是

火忌孛星照羅計穿命不問福祿皆主夭折火星大忌
午上照身命及天柱星皆不吉

歌曰金在疾厄永無疾 木居富貴常安逸

水在此宮遇計孛 必定腰駝并背屈

白日生人火曜衝 必定風疾吐血終

熒度疾厄須驚悸 土臨八宮主瘟凶

太陽遇計火土孛 風癆血病不久歿

如見木陰獨照之 一世優游無消歇

此宮若見紫炁臨 定是安榮居要津
羅照此宮應篤疾 計會亭來定凶侵
非惟勞瘵又瘟黃 抑且吐血卧床亡

遷移宮

欄駕經遷移謂之近強人命三合宮見土宿主離鄉忌
星主貧賤福貴祿星吉曜主經商如見月亭謂之客死
星見羅計主偏生庶出過房出祖帶刑出祖不離鄉土
若四刑星無紫炁星解救亦主過房出祖金木吉水宜

遠行金木合照封侯火入凶土阻遠行太陽主晝生吉
月會金水夜生吉

歌曰此宮見紫主為官 太陰合兮為瑞端

羅在遊行必見刑 家中長見檢屍靈

計都若會亭星入 決定蛇傷并虎擒

切聞月亭入遷移 損田損宅損妻兒

官祿宮

欄駕經官祿強星乃司命掌之又為文解恩牒之星士

人遇之主發解僧道遇之主披剃庶人遇之主發財置業如下流命本宮見之會天蠱狼籍主犯刑法官災小人最怕陽刃官符宮主星相會及與的煞狼籍星會無福貴二曜救解凡與宅宮主星相會皆不甚好更看命主星明淨會羅計主凶死不然看有祿無祿大祿小祿大凡主星會羅計者主夭不然中年火字照身命宮皆不吉即賤人也字星在官祿主貧窮下賤刑憲初主貴未必不好限入官祿宮添羅計天蠱入限或在六八十二

歌曰太白金星入官祿 一世為官居要軸

天上之宮會水星 太陽合照作公卿

水居好樂合於月 官居顯位職非輕

火在十宮夜入廟 朝端定列仍年少

福德宮

欄駕經福壽星福德之宮福壽星所掌宜天權福財照
此宮上吉如男女宮得木星紫金水善星照尤佳緣福德
與男女宮相對吉星在廟旺之宮順行為福深在陷宮

為福淺最忌火星主傷福德故也

歌曰福德宮中或見金 夜生一世福神欽

木會太陽居十一 祿優福厚居顯秩

水會月吉火淺薄 金土同照主食邑

十一宮中羅最吉 太陽木炁三合值

生則須封萬戶侯 死則定知須廟食

相貌宮

欄駕經相貌當與六八此三宮用推詳李羅計會或主

刑害破相疾厄六根不足之命也

歌曰土星相貌却烏黃 木宿元來瘦且長

金白不惟多嗜慾 水星行動愛趨蹌

羅喉薄藝隨身有 月孛為人帶黑醜

熒火一星多性惡 水星最是雙眉好

計都巧計愛談論 羅火東西打殺人

水火相隨多雜藝 太陽為性却逡巡

月孛一生多口嘴 水星伶俐木都美

土星頑鈍言語澁 羅火為人貪可鄙

琴堂十二位論

論命宮

凡坐命宮官祿福德田財星飛入為吉此乃富人之命
切忌空亡的破流霞劫煞不吉必主暗疾破相華蓋居
此必主傳符度法之人六害星辰飛入一生勞碌

論財帛

凡財帛主度主官祿福德主居此一生富貴財星飛出

田宅官祿福德宮富弱宮陷地主貧賤更空亡的破居
此再財星失陷則食不克口衣不蓋身若財帛高強根
基厚重衣祿豐隆若六位星辰居此管幹起家之人也

論兄弟

凡田宅官福四星入此兄弟豪富空亡的破入此兄弟
貧賤孤寡星居之則鴈行無伴官符居之主兄弟逞訟
華蓋居之主兄弟道粧疾厄流霞刃星入則兄弟帶疾
破相馬星入則兄弟東西咸池入則兄弟迷戀也

論田宅

凡官祿財星太陽入此祖業見承田地加進空亡的破入此則產業破蕩或胎星歲破通關則兄弟爭奪奴僕主人則僕幹莊田之徒或田星飛起官祿福德財帛之地則富財帛同田星飛起則重賣交易矣

論男女

凡空亡的破居此則男女貧賤孤寡六害華蓋入此則子女如石中求玉流霞刃星居此則男女帶疾若居女

位女必產亡咸池星入男女迷戀田財官福居之男女
豪富遷移星居此男必過房女必重嫁然陽宮男多陰
宮女多

論奴僕

流霞的刃劫居之主奴僕有疾長生帝旺則無災鬼宿
居之則奴僕偷竊

論妻妾

七宮隨祿妻有粧奩因而致富家業興隆空亡的破居

之妻性不常若逢木星生旺不是為煞招妻俊雅煞計居之妻醜頑拘孤寡星居之必孤

論疾厄

此宮乃八煞宮若火星入之無制主人一生多難

月到見煞母有疾日到見煞父有疾五位飛來男女疾三宮星來兄弟有疾七宮星來妻妾有疾流霞的刃煞難居之主帶疾不寧於厥身也

論遷移

本宮忌孛星居之主離祖遷轉無定

身命主居此必當離祖過房三位星居之兄弟離祖女

見桃花煞居此有合則不良不然必嫁遠夫并陽刃居之則離鄉別井

論官祿


身命二主并財福居之則祿位高强的破居此不吉三位星居之兄弟豪富

論福德

本宮田財身命四星居之主清閑享用有福之人也的劫飛來有福不能享流霞亦然

論相貌

此宮名弱宮身命官福田財不喜居之臨官帝旺金木
水陽居此則狀貌清秀若劫的流霞居之主破相



星學大成卷六